

Werk

Titel: Sachssenspigell vffs new durchaus corrgirt vnd restituirt ... mitt vil nawen adic

Verlag: Lotter

Ort: Leyptzigk

Jahr: 1535

Kollektion: Juridica

Digitalisiert: Niedersächsische Staats- und Universitätsbibliothek Göttingen

Werk Id: PPN565212095

PURL: <http://resolver.sub.uni-goettingen.de/purl?PPN565212095>

OPAC: <http://opac.sub.uni-goettingen.de/DB=1/PPN?PPN=565212095>

LOG Id: LOG_0003

LOG Titel: Vorred

LOG Typ: preface

Terms and Conditions

The Goettingen State and University Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Goettingen State- and University Library.

Each copy of any part of this document must contain there Terms and Conditions. With the usage of the library's online system to access or download a digitized document you accept the Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Goettingen State- and University Library.

For reproduction requests and permissions, please contact us. If citing materials, please give proper attribution of the source.

Contact

Niedersächsische Staats- und Universitätsbibliothek Göttingen
Georg-August-Universität Göttingen
Platz der Göttinger Sieben 1
37073 Göttingen
Germany
Email: gdz@sub.uni-goettingen.de

Vorred.



Es ist bissher das Sechsische Landrecht/ so man den Sachssenspiegel genant/ Vnder vilten Hochgelarter berümpfter leut/ namen vnd Tittel/ offte vnd meremals in Druck gegeben vnd ausgegangen/ auch allen denen/ so solch Recht teglich brauchen vnd vben müssen/ zu gutt/ mit mancherley Annotaten vnd zusehen/ gebessert/ vnd also auff das allerfleisigest vnd nützlichest/ zugericht worden/ dardurch menniglich deste leichtern vörstandt inn widderwertigē stellen/ so dar in vilfaltiglichen befunden/ erlanget vnd bekommen/ Darumb auch dieser vleis vnd gute trewe arbeit/ deren so solche mühe teglichen daran gewandt haben/ billichen hoch zu loben/ Vnd one zweiffel auch vilten Rechtubenden/ nicht kleinen nütz odder frommen/ geborn vnd bracht/ wie auch dieses menniglichen wol wissend/ vnd am tage ist. Wiewol aber in dem allen/ grösser vleis für gewandt/ vnd von vielen/ teglich (damit solch Recht desten vorstendlicher würde) ist das/ dan yhenes/ addirt vnd hinzugesagt/ hat doch bissher die mühe auch nicht daran/ wollen gekert vnd geletet/ damit der Text vnd glossen/ die fast falsch vnd vngerecht gewesen/ an sich selbst/ besser vnd gerechter/ hettē mögen aussagen/ vnd gemacht werden/ Welche sonder zweiffel/ von einem vncorrigirten Exemplar zum allerersten/ vnd hernach von einem auß dem andern/ wie sie erstlichen inn den Druck kommen/ fort vnd fort blyeben/ Wie aber gerecht vnd vorstendlich/ das hat der buchstab an sich selbst geben/ Der wegen der mererteil/ dem Sachssenspiegel so gar feindt worden/ das sie ynnen nicht gern hören nennen/ etliche aber/ haben yhn an vielen orten/ dann so/ dann anders Interpretirt vnd außgeleget/ vnd zu weilen vnn der dunkelheit wegen/ gar kein vernemen davon gehabt/ daraus menniglichen/ ein gemeine vngunst vnd gram/ gegen solchem Rechten/ Welchs man darmitocht teglich durch die hende ziehen müssen/ entstanden/ also das gar wenig/ vnd nicht vnbilllich/ von wegen des vorterbten Texts/ dem Sachssenspiegel holt gewesen sind/ Welchs aber allein darauß komme/ das in dem Drucken/ wie vorgesagt/ bissher eynem Exemplar nachgefolget/ vnd nicht möglich sein können/ das ein gerecht vnd corrigirt Buch/ exhibirt werden mögen/ Dan auch in allen den eldesten/ die hier zu sind genommen vnd gebraucht werden/ geschriebnen Exemplarn/ keines dem andern/ gleichs lauts vnd form/ Welchs auch alles sonder zweiffel/ der vnuorstandt deren/ so solche Bücher von anfang/ vnd hernach einer von dem andern/ abgeschrieben/ bracht haben muß/ Vnd ist nicht allein der Text dermassen vngerecht/ sonder auch die Glossen/ vnd sonderlichen die allegirten Recht darinnen/ deren die vngelarten schreiber nicht vorstendlich gewest/ vnd die Bücher obenhin geschrieben/ odder aber allein/ nachgemalt haben/ viel fesscher befunden worden/ Solchem yrhumb allem/ hernach die andern gefolget/ vnd das gemein vbliche/ Landt Recht so verwüstet vnd zerrissen bleiben lassen/ vnd niemande die mühe daran wenden wolten/ das man es nach den eldesten Büchern übersehen/ vnd den selben conferirt hette/ Anezweiffel wan solchs geschehen/ möcht man vorlangest ein gerecht Exemplar gehabt haben/ dardurch manchem der Sachssenspiegel begehlicher zu lesen/ vnd weil man yhn doch halten muß/ vnd als der Prouincien Recht nicht vmbgehen kan/ leichter zugebrauchen auch besser darnach zu vrtailen gewest/ vñ hette das Sechsische Priuilegium/ so vorachtet/ nicht ym winckel ligen dorffen/ Vnd wiewol gewislichen niemandes/ wo es anders bey den tunkeln stellen/ nicht solt deutens odder dunkens gelten/ sagen darff/ das ehr den Sachssenspiegel allenthalben vnd durch auß vorstehe/ vnn wegen der alden haldungen vnd gebräuch/ welche ist vor langer zeit/ bey vns nicht in vbung/ gewest vnd herbracht/ darzu mancherleier ammacht/ namen/ stende vnd conditionen/ beider der leut vnd personen/ von welchen hin vnd widder ym Buche erwenung geschicht/ So wirdet dannoch ein yeder/ der auch geringes vorstandes/ sagen vnd bekennen müssen/ Das dieses Exemplar vnd Buch/ besonderlichen so es gegen die vorigen

Vorrede.

gehalten vnd besichtiget/ an vielen vnzelichen orten/ des Texts vnnnd Glossen/ auß den Eldesten vnd seer viel Exemplarn/ ganz trewlichen ergenzt/ vbersehen vnd restituirt/ darzu viel vorstendlicher gemacht/ dan es bißher gewesen/ Aber doch hiermit allein/ den guten wolmeinenden/ vnd nicht denen/ so solches gering dinsts nicht dörfen/ zu willen vnd nus gethan vnd gearbeitet/ Doch auch damit/ den hocheffarnen vnnnd vorstendigen/ vrsach vnd anreihunge gegeben/ weil ynen das Exemplar allererst/ darzu sie nicht zeit haben/ zu corrigiren viel mühe machen wolt/ das sie eins malßs/ dem vorbereiten vleis zu gut vnd volge/ das vnnühe abfürzen/ vnd durch solche deßer geringere mühe/ das so dannoch/ nütlichen/ vnd gehalten wirdet/ außs fürst fasseten/ vnd auch/ wo wir der sachs en zu viel odder wenig gethan/ gütlichen bessern wolten/ Damit aller yrrthumb vnd oberfluß dieses Buchs/ abgethan vnd ausgerottet/ Vnd sie doch das yeniz ge/ so ym Sachsenlande/ darauff diss Priuilegium sonderlichen gewidmet/ gebreuchlich vnd in vbung/ von wegen des vndienstlichen/ vnd nicht gebreuchlichen/ nicht gar zu bodem stossen/ vnd vor nichts achten dörfen/ Darneben auch ingedenck sein/ das ym Keiserlichen Rechten/ obermessig viel sagunge/ so yre bey vnsern zeiten nicht ym brauch befunden/ darumb aber das ganze Recht/ nicht abgethan wirdet/ Zuuerhoffen/ solchs wie gemeldet/ solle durch sie mit Gottes hülffe/ ein mal vnderstanden vnd geendet werden/ Wir wollen vns aber hierzwischen trösten/ niemand werde vnser mühe so gar/ dem sie zulege/ geringe schaden können/ man werde auch die finden/ welche sie getreulichen loben/ vñ vor gut halten/ Denen wir vns befolhen/ vnd vnder yhr Judicium vnd achte/ geworffen haben wollen/ Vnd vorhoffen/ in das Lehenrecht vnd Reichbild/ so beide dieser arbeit auch hoch bedorfft/ in korse hernach mit zuteilen/ Vnd bitten was in dem drücken vorsehen/ dar fegen dan widderumb/ ein Correctorium gestellet/ darauß zu emendiren/ vnd zum besten außzulegen.

Weiter vnd nach dem hienor bey dem Sachsen Spiegel bald nach aufgange der dreier Bücher/ etliche Brteil der Schöpffen zu Magdeburg/ in Distinctiones geteilt/ Auch der Nichtsteig ober Landt vnd Lehenrecht gedrückt/ Welches beides nicht vil zu yriger zeit in vbung/ vnd oftmals/ sonderlich der Nichtsteig/ den yenigen so des Nichtbrauchs vnerfaren/ die zeit vnd vleis mit lesen darüber vorgeblich hinbracht. Also auch das zu viel malen an die drucker gelanget/ sie solten vnd möchten hinforder ym vmbdrücken solliches alles wol aussen lassen. Derwegen ist auff dissmal/ solcher Nichtsteig gar nach/ oder ausgelassen. Die weil aber dannoch in den Distinctionibus viel guter Brteil/ die sich dem inigen brauch vorgeleichen/ vnnnd noch geübt/ odder braucht/ werde befunden/ hat man mit Rathe der Hocheffarnen/ dieselbigen Distinctiones widder außs newe gedrückt/ vñ ann des Nichtsteiges stat/ andere gebreuchliche Gerichts Process/ auch sonst gute vnderricht vnd anweisung/ wie man zu dieser zeit vor Lehen vñ Landtgericht inn peinlichen vnd Bürglichen sachen/ allenthalb voffaren/ auch Brteilen vnd procediren möge vnd solle/ Wie auch inn Bürglichen sachen/ die Gerichts ordnung zumachen sey/ dardurch die vnterthanen vñ Part/ zu schleunigem Recht gefordert werden/ vnd weitleufftigkeit oder mutwillig auff ziehen/ vnd vorhinderung abgeschafft vnd nach bleiben möge. Weiter auch/ wie man sich gemeiniglich in den Gerichts vnd andern vorstehende fellen/ mit Brteilen vnd straff dem Rechten gemesse/ richten vnd halten solle/ Welches alles zusammē bracht/ von vnd aus den Ratschlegen vnd berichunge/ der Hocheffarnen vnd geübten bewerten Doctorn vnd Rechtsgelereten/ die sie auff ansuchunge der Herrschafften hin vnd widder/ mit vleis trewlich nach Recht vnd gewoheit dieser Lande/ in sonderheit des Sechssischē gebrauchs/ gefasset/ beschrieben vnd endlich außgehen lassen. Desgleichen auch/ ist solchs mit gewissen Brteilen vnnnd Rechtsprüchen etlicher berühmter löblichen Schöpffen suell bestercket/ Welche Brteil vor etlichen iaren in die Lande vnnnd orter/ da man sich Sechssischen Rechten gebraucht vorseprochen/ Daraus man erlernen vnd finden kan

Vorrede.

den kan fürzlich allen den gemeinsten Gerichtsbrauch / auch vollfurung vnd ordnung / der man sich vber all bey den Gerichten legen den vorwanten vnd vnterthanen / anzuziehen vnd zuhalten pflegt / auch zu erzeigen vörpflicht ist / Wie dan solchs mehr dan es angeben odder gelobet mag werden / daryn klerlich zuerssehen vnd erfunden wirdt. Darumb vnd dieweile das forderlich allen den heiligen so Gerichts pflicht auff sich haben / die vnterthane yhrer gebrech zwispalde vnd yrriger felle / entschicken / vortragen vnd orttern müssen / zuwissen / grofs vonn nöten / vnd nicht weniger dienst yhnen widderfaren odder erzeiget werden mag / das sie grüntlich mit der kurz darvon des alles vollkommen vnderricht empfangen mögen. Wil man hoffen / zum wenigsten sollen doch dieselben daran gefallen vnd gutte genüge haben / das man an stat des vngebreuchlichen so nützlich vnd notturfstig vnderricht vnd anweisung gesetzt vnd Drücken lassen. Vnd sollen sich gewislich vorsehen / das man zum nechsten Druck / ann stat der Distinction auch dergleichen mit ganzem getrewem vleisse thun will / ob sichs auch in mitler weil zutragen vnd gelegenheit sein würde / solte man wol ein sonderlich Buch vber die vnd dergleichen materien allein vorsammeln vnd zu richeten. Gemeinem nutz zu forderung vnd lobe des Almechtigen ewigen Gottes der sey geehret vnd Gebenediet in ewigkeit / Amen.

Notturfstig nützlich Repertorium / yn die drey Bücher des Sachsenspiegels / nach Ordnung des Alphabets / ytzlich die gemeynst materia antzeygend.

A
 Abereen von frembdem lande / auff das seine / li. iij. artic. xx.
 Abepflügen oder abgraben / vñ andern eckern zu den seinen li. iij. artic. lxxvj.
 Abehawen / der bawm / andern zu schaden li. ij. artic. xxvij.
 Abhütten der gemeinen hut / oder ecker die gemein sein an sich zuziehen lib. iij. articulo. lxxvj.
 Ablata iniuste / omnino sunt restituenda / etiam in mortis articulo / et tenet omnibus modis restitutio sine aliqua iuris solennitate. li. j. artic. liij.
 Abwitzige menschen haben vmb yhr vbelhat kein straff li. iij. artic. iij.
 Abschrifte der klag soll dem beklagten außs gericht vngewegert gegeben werden. li. ij. artic. ij.
 Achte schadet nicht dem / so nicht mit namen darein vorkündiget. li. j. ar. lxxvj.
 Wer in des Reichs acht ist iar vnd tagt was fare darauff stehet li. j. ar. xxxvij.
 Vmb keiner andern sache willē sol man echtigen / dan was an den leip / haut oder vorliesunge eines gliedes gehet. li. j. articulo. lxxvij.

Wie sich einer außs der acht ziehen soll / li. iij. articulo. vij.
 Wie einer beweisen mus / das er sich auß der acht entlediget habe. li. iij. articulo. xvij.
 Achte bindet nicht in frembdem gerichte. li. iij. articulo. xvij. et ar. xxxij. li. j. articulo. fi. in glo. et glo. dic. articulo. xvij. li. iij.
 Achte wie die purgirt mag werden glo. et text. articulo. xxxvij. li. iij.
 Achte hindert zur antwort nicht / aber zu klagen wirt kein geechtigter / zugelassen lib. iij. articulo. xvi.
 Actio iniuriarum realis / ē annalis et anno expirat. li. iij. articulo. xxxj.
 Accusatus non statim reus est / sed crimine conuictus reus habetur li. j. ar. lxxvj.
 Actor debet sequi forum rei / contra fatiens quomodo puniatur li. iij. articulo. lxxvij.
 Actore absente absoluitur reus li. ij. ar. vij.
 Actor debet in libello causam petendi exprimere. li. iij. articulo. xij.
 Adulterij crimen quibus modis dimidat matrimonium li. j. articulo. xxxvij.
 Adel von natur lib. iij. articulo. xxx.
 Adversarius tenetur prestare testimonium / contra seipsum lib. ij. articulo. xxxij.